

13. januar 2017

Inatsisartut suleriaasianni paragraf 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. 2017-imi Avaleraasartooriarnissami Naalakkersuisuniit angallatit NEAFC-imiit aam-malu Noncontracting partiesinik taagorneqartuneersut kisimik peqataasinnaanissaat akuersaarniarpaat?**
- 2. Naalakkersuisunit qaqugu naatsorsuutigineqarpa avaleraasartooriarnissamut 2017-mi pisassanik agguaassinerit naammassineqassasut?**

(Inatsisartuni ilaasrotaq Jens-Erik Kirkegaard, Siumut)

Tunngavilersuut:

Aalisarnermik inuutissarsiuteqartuniit arlaleriarluni tikkuarneqarpoq, Naalakkersuisut, avaleraasartooriarluni aalisarnissamut akuersissutaatilinnut, angallatit nunanit allaninngaanneersu-nik attartorsinnaanermik peqataasinnaanermillu periarfissanik killiliinerat, ilaatigut Kinamiut anga-llataasa akuerisaannginneri, ima kinguneqarpoq: avaleraasartuut qaqqinneqartut aalisarneqar-sinnaasuniit ikinnerungaarlutik. Imaappoq avaleraasartuut qaqqinneqartut pisarineqarsinnaasara-luamiit ikinnerungaarlutik. Aammattaaq avaleraasartooriarnissamut akuersissutinik agguaanerit kingusippallaartarneri pisuullutik, akuersissutaatillit angallatinik attartornissaat ajornakusoortu-nngortartoq.

Taamaammat ima inernilerneqarsinnaavoq, qaqqinneqarsinnaasuniit ikinnerungaartunik aalisarneq inuiaqatigiinnut piffissaq qanittoq ungasissorlu isigalugu kinguneqarnerluttoq. Piffissaq qanittoq isigalugu inuiaqatigiillu ataatsimut isigalugit aningaasanik isertitassanik annaasaqarpugut, koruunit millionilikkaat pineqarput, nunatta karsianut, kommunit karsiannut, inuutissarsiummut aammalu sulisunut aningaasarsiassat, akitsuutit, akileraarutillu. Piffissaq ungasissoq isigalugu kingunera, Kalaallit Nunaat isumaqatigiinniarnermi nuna sinerialittut ajornerusumik inissisimalersinnaavoq, isumaqatigiinniarnermi agguaqatigiissillugu pisarineqartartut ikippallaarpata. Taamaasilluni nuna-nut allanut uppersarneqarsinnaassanngimmat amerlanerusunik pisaqarsinnaanerput taamatuttaaq imartatta peqarluarnera.

Kiisalu makitsinikkut avaleraasartuunik pisassinneqartut arlallit (tassaallutik aalisartut nammineq avaleraasartooriummik angallataateqanngitsut) angallammik avaleraasartooriummik attartor-sinnaasimangillat, ilaatigut kingusippallaakkut pisassanik agguaassineq peqqutaalluni, Soorluttaaq peqqutaataasimasooq angallatit nuna allattorsimaffiat apeqqutaalluni attartorneqarsinnaanerit killilersorneqarsimammat.



Inuutissarsiut pillugu ilisimasaqarluartuniit nalilernerqarpoq pisassanik agguaassineq martsimiit kingusinnerutinneqarpat Kalaallit Nunaata avaleraasartuunik aalisarluarsinnaanera periarfissalunne-rulersartog.

Kissaatigaara apeqqutikka ullut suliffiusut 10 iluanni akineqassasut.